

# हादरनां नोगोरारि मुं थिसननाय फोसाबनाय, आसाम

## हादरनां नोगोरारि मुं थिसननाय फोसाबनायनि आरज बिलाइखौ सुफुंनायनि गोरलै राहा

आरज बिलाइखौ आबुं खालामनाय खामानियाव मदद जानाय बादियै नोगोरारिफोरनि थाखाय आरज बिलाइयाव होफानाय बिथोननि अनगायेबो आरज बिलाइ सुफुंनायनि मोनवैसो गोरलै राहाखौ गाहायाव फोरमायनाय जाबाय।

गुबैयै साक्रोमबो मानसिफोरनि खारिथि होफानानै नखरनि बिगोमाया फोसाबनाय हादरनां नोगोरारि मुं थिसननायाव मुंखौ थिसननो थाखाय आरज बिलाइखौ जमा होगोन। अनाथ आश्रम, बोराइ-बुरैनि थागा न, गोसो देहाफाहामसालि बायदि फसंथाननि ननि थागाफोरनि नांगौं जानाय खारिथिखौ जमा होनायनि बिबाना बै फसंथाननि गाहाइनि जागोन। आबुडे सुफुंनाय आरज बिलाइखौ नोगोरारिफोरनि गावबा गावनि दानि थंखौ लाफानानै फसंजानाय गनायथिजानाय NRC नि खामानि खुलि (NSK) आव एबा अनलाइन ([www.nrcassam.nic.in](http://www.nrcassam.nic.in)) जमा होनो नांगोन।

### बिलाइ-A आबुं खालामनायनि गोरलै राहा:-

मानसिनि फारि नं- फारि नं-आ नखरनि बिगोमानिफ्राय “1” जौं जागायगोन। गिबि 'A' बिलायाव लिरनाय मानसिनि फारि नम्बरखौ बै फारि आरज बिलाइनि A, B, C, D - बै मोनवै बिलाइयाव मानिना सोंलिनो नांगोन।

आरज बिलाइनि 1a, 2a, 2b, 2c, 3a, 4a, 4b आरो 4c सौंथिनि खारिथिखौ सुफुंनो थाखाय गोनां जानाय बिथोन आरो कडफोरखौ 'A' बिलाइनि गाहायाव होनाय जादौं। 2a, 4b आरो 4c सौंथिनि फिन महरै जुटि आरज बिलाइ सुफुंग्याया “गुबुन गुबुन” खौ सायख्यो, अब्ला नांगौं जानाय कठ आरो “गुबुन गुबुन” जाहेनखौ होनो नांगोन।

सौंथि.2a ननि बिगोमाजौं सोमोन्दो- नखरनि बिगोमाजौं साप्रोमबो मानसिनि सोमोन्दोनि सोमोन्दै फोरमायनो थाखाय A- बिलाइनि गाहायाव सौंथि.2a<sup>2a</sup> नि उल्थायाव 1 निफ्राय 11 नम्बरनि कडनिफ्राय गेबै कडखौ सायख्य'नो नांगोन। बिदिन्थि महरै, फारि नम्बर 1 नि मानसिया जेब्ला नखरनि बिगोमा महरै आरज बिलाइ गथायगोन, नखरनि बिगोमाजौं सोमोन्दोखौ फोरमायनो थाखाय थिखानाय जायगायाव बियो “बिगोमा” खौ फोरमायनाय कठ “1”खौ मुंख्य'गोन। गुबुन मानसिफोरनि थाखाय नखरनि बिगोमाजौं थानाय सोमोन्दो लेखा सौंथि.2a<sup>2a</sup> आव मुंख्य'नाय फारिलाइनिफ्राय गोरोबनाय कडखौ मुंख्य'नो नांगोन। बिदिन्थि बादियै, जुटि नखरनि बिगोमाया मानसि फारि नम्बर 3 नि बिफा जायो, अब्ला मानसि फारि नम्बर 3 आ बिगोमाजौं गावनि सोमोन्दोखौ फोरमायनो होखानाय जायगायाव ‘बिफा/बिमा’ फोरमायनाय कठ '5' खौ लिरनांगोन। नखराव थाफानाय गोजान सोमोन्दोनि, नखरनि खामानियाव मदद होफाया मानसिफोर बै नखरजौं लोगोसे नडा, गावसोरनि आंगो नखरजौं लोगोसेसो आरज बिलाइखौ आबुं खालामनो नांगोन।

सौंथि.3a- जोनोम अक्त' आरो सौंथि.3b-बैसो (1 एप्रिल 2015 अक्त'सिम फोसावनाय बादियै): जोनोम अक्त'खौ इंराजी केलेन्दार लेखा DD/MM/YYYY महराव लिरनो नांगोन। बिदिन्थि बादियै, जुटि सोरबा सासे मानसिया 1988 मायथाइनि जानुवारी 22 अक्त'वाव जोनोम लादौं, अब्ला बियो जोनोम अक्त'खौ 22-01-1988 महरै लिरगोन। जुटि सोरबा मानसिनि जोनोम अक्त'खौ मोजां गोसोआव गैया, अब्ला बिसोर बै जायगाखौ लादां दोनगोन आरो सौंथि.3b आव सानना लानाय बैसोखौ 01-04-2015 अक्त'सिम बोसोरनि हिसाबाव मुंख्य'गोन।

सौंथि.5: बिफा, बिमा आरो फिसाइ एबा बिसि (हाबा जानायब्ला) नि मुं: बिफा, बिमा आरो फिसाइ एबा बिसि (हाबा जानायब्ला) नि मुंखौ रोखायै मुंख। नडाब्ला, जुटि बिसोर नखरनि मानसिब्ला अब्ला फारि नम्बरनि नखराव बिफा, बिमा आरो फिसाइ एबा बिसिनि मुंनि उल्थायाव मुंख्य'नाय थानाय लेखा मुंख्य'नाय मानसिनि फारि नम्बरखौ मुंख्य'गोन। हमना ला, नखर बिगोमानि मानसि फारि नम्बरा 1 आरो बिनि फिसाइ एबा बिसिनि मानसि फारि नम्बरा 2 आरो बिसोरनि फिसालानि मानसि फारि नम्बरा 3, अब्ला फिसालाया (मानसि फारि नम्बर 3) बिफा आरो बिमानि आबुं मुं लिरनो गोनां जायगायाव बिफानि मुंनि जायगायाव फारि नम्बर 1 खौल' आरो बिमानि मुंनि जायगायाव फारि नम्बर 2 लिरोब्लानो जागोन।

### बिलाइ-B आबुं खालामनायनि गोरलै राहा:-

गुफुर फैसालियाव गाबगोनाडै बावैसो सेखांजानाय फट'खौ आथा सिथाबना होगोन: फट'खौ मोजाडै मोखांनि सिगांथिनि बाहागोनिफ्राय देखांनो नांगोन आरो फेमनि 80 जौखोन्दे (80%) बाहागेखौ मोखाडा आवगिनांगोन। मेगना नायनाय महराव थानो नांगोन आरो थानांगौं जायगायाव समानै आरो रोखायै नुनो मोननाय जानो नांगोन। फट'वा गाबगोनां आरो 2.5 से.मि. x 2.5 से.मि. जखानि जानो नांगोन। फट'वा खर'नि सानि बाहागोनिफ्राय खखाबनि गाहायसिम रोखायै नुजानो नांगोन आरो फेमनि गेजेराव थानाय जानांगोन। उनथिंजाय एबा मोखाडाव मोनबो रोखोमनि थाथावै साइख्लुम थानो मोननाय नडा। दोहोरोमारि जाहोननि अनगायै गुबुन जाहेनाव खर'नि बाहागेखौ खोबनानै लाना दैखानाय फट'खौ नाजावनाय जानाय नडा; दोहोरोमनि दहाय लानानै दैखानाय फट'नि बिथिडाबो खखाबनि गाहायनिफ्राय खाफालनि गोजौसिम आरो मोखांनि फारनैथिंबो रोखायै नुनो मोननाय जानो नांगोन। मोखाडाव सरासनसा महरा बेरखानो नांगोन। फट'खौ मोजां आथा बाहायनानै थिननाय लेखा सिथाबनो नांगोन। माब्लाबाबो स्टेपलार एबा फिन बाहायनो नाडा।

### बिलाइ-C आबुं खालामनायनि गोरलै राहा:-

आरज बिलाइ गथायग्राया फोसाबनाय NRC आव मुं थिसननायनि थाखाय माबोरै गावखौ गोरोबथाव फोरमान खालामगोन बेनि सोमोन्दै आरज बिलाइनि 'C' बिलाइयाव मुंख'नो नांगोन। सौंथि.9 नडाब्ला सौंथि.10 नडाब्ला सौंथि.11 नि जायखिजाया मोनसेनि फिन होब्लानो थोजासे। बेखानि, सौंथि.9, सौंथि.10 नडाब्ला सौंथि.11 नि मोनसेनिरुड़ बांसिन सौंथिनि फिनबो होनो हायो।

सौंथि.9-1951 मायथाइनि NRC आव आबुं खारिथि थानायफोरनि थाखाय बाहायजाथाव; सौंथि.10-1971 मायथाइनि 24 मार्च (हरगेजेर) सिम फोसावजानाय भट होगानि फारिलायाव आबुं खारिथि थानायफोरनि थाखाय बाहायजाथाव आरो सौंथि.11- बैफेर बादि मानसिफोरनि थाखाय बाहायजाथाव जायजौं आरज बिलाइनि 'C' बिलाइनि फिडाव थानाय 'A' फारिलाइयाव सोफानाय गुबुन गुबुन बिलाइफोरनि आबुं खारिथि दं।

सौंथि.9a, सौंथि.10a आरो सौंथि.11a-जायजौं सोमोन्दो दावि खालामनाय जादौं बै मानसिनि मुं:

सौंथि.9a नि फिनाव 1951 मायथाइनि NRC आव थानाय मानसिनि, जेरै-आरज बिलाइ जमाहोगानि गावनि नडाब्ला आरज बिलाइ होगानि बिफा-बिमा नडाब्ला बिबै-बिबौनि मुं होनांगोन, नडाब्ला

सौंथि.10a नि फिनाव 1971 मायथाइनि 24 मार्च (हरगेजेर) सिम फोसावजानाय भट होगानि फारिलाइयाव मुं सोफाजानाय मानसिनि, जेरै- आरज बिलाइ जमा होगानि गावनि नडाब्ला आरज बिलाइ जमा होगानि बिफा-बिमानि नडाब्ला बिबै-बिबौनि मुं लिरनांगोन, नडाब्ला

सौंथि.11a नि फिनाव आरज बिलाइनि 'C' बिलाइनि गाहायाव थानाय 'A' फारिलाइयाव सोफानाय (फोरमायथि बिलाइ) बिलाइफोरनि फारि नं 3 निफ्राय 16 सिम मुंख्य'नाय जायखिजाया बिलाइयाव मुं थानाय मानसिनि, जेरै- आरज बिलाइ जमा होगानि गावनि एबा आरज बिलाइ जमा होगानि बिफा-बिमानि एबा बिबै-बिबौनि मुं लिरनांगोन।

सौंथि.9b: 1951 मायथाइनि NRC लिगेचि डाटा कड, आरो सौंथि.10b: 1971 मायथाइनि 24 मार्च (हरगेजेर) सिम फोसावनाय भट होगानि फारिलाइयाव लिगेचि डाटा कड:

सौंथि.9b: 1951 मायथाइनि NRC आव मुं थानाय मानसिजौं सोमोन्दोनि फारि दाबि खालामनाय मानसिफोरनि थाखायल' बाहायजाथाव। सौंथि.9a नखराव मुंख्य'जानाय मानसिनि उल्थायाव मोन 11 अनजिमानि लिगेचि डाटा कडखौ सौंथि.9b नखरनि थिखानाय जायगायाव XXX-XXXX-XXXX महरै सोफानो नांगोन।

**सॉथि.10b-1971** मायथाइनि 24 मार्च (हरगेजेर) सिम फोसावजानाय भट होगानि फारिलाइयाव मुं थानाय मानसिंजॉ लोगोसे सोमोन्दोनि फारि दाबि खालामनाय मानसिफोरनि थाखायसो बाहायजाथाव। **सॉथि.10a** नि नखराव मुंख'जानाय सुबुनि उल्थायाव मोनाय मोन 11 अनजिमानि लिगेचि डाटा कडखौ सॉथि.10b नखरनि थिखानाय जायगायाव XXX-XXXX-XXXX महरै सोफानो नांगोन।

लिगेचि डाटा कडफोरा 1951 मायथाइनि आरो 1971 मायथाइनि 24 मार्च (हरगेजेर) सिम फोसावजानाय भट होगानि फारिलाइयाव मुं थानाय साप्रोम मानसिनि मुडै NRC नि खामानि खुति (NSK) आव नडाब्ला NRC, आसामनि वेबसाइटनि गेजेरजॉ अनलाइनजॉ मोननो हानाय जायो। NRC नि खामानि खुलिफोरनिफ्राय नडाब्ला अनलाइनिफ्राय डाउनलड खालामनाय लिगेचि डाटा शिलपफोरखौ आरज बिलाइजॉ लोगोसे सुथाबफानानै होनो नांगोन।

**सॉथि.11b:** 'A' फारिलाइयाव सोफानाय गोरोबथाव बिलाइनि फारि नं (फारि नं 3 निफ्राय 16 सिम): 'A' फारिलाइयाव थानाय (फारि नं 3 निफ्राय 16 सिम) बिलाइफोरनि गेजेराव जाय बिलाइयाव सॉथि.11a आव मुंख'नाय मानसिनि मुं दं, बै बिलाइनि फारि नम्बररखौ थिखानाय जायगायाव लिरनो नांगोन। मोजां गोसोआव लाखि दि फारि नम्बर 15 आरो फारि नम्बर 16 आव मुंख'नाय बिलाइफोरा अब्लासो गनायथाव जागोन जेब्ला बै बिलाइफोरजॉ लोगोसे फारि नम्बर 1 निफ्राय 14 सिम मुंख'नाय बिलाइफोरनि बेकेबा रोखोमसे बिलाइया दाजाबजाफागोन। मुंख'जाथाव दि आरज बिलाइजॉ लोगोसे बै बिलाइफोरनि गाव-सहीहोनाय कपिफोरखौसो सुथाबफाना होनो नांगोन आरो गुबै बिलाइफोरखौ बिफानारिफोरा ओनसोलाव थानानै नायदिहैनाय समाव दिन्थिनो नांगोन।

**सॉथि.9c,** **सॉथि.10c** आरो **सॉथि.11c-** मानसिंजॉ सोमोन्दो: आरज बिलाइ गथायग्राया सॉथि.9a एबा सॉथि.10a एबा सॉथि.11a आव मुंख'जानाय मानसिनि थामिनबा जायजॉ सोमोन्दोनि फारि दाबि खालामनाय जादौं बै मानसिंजॉ गावनि सोमोन्दोनि सोमोन्दै मुंख'गोन। सोद्रोमाफोरा सोमोन्दोनि फारि दाबि खालामनाय मानसिंजॉ थानाय सोमोन्दोखौ फोरमायनो 'A' बिलाइनि गाहायाव थानाय सॉथि.2a<sup>2a</sup> आव मुंख'नाय थानाय फोलेरनि गाहाइजॉ मानसिफोरनि सोमोन्दो फोरमायनाय कडफोरखौ बाहायगोन। बिदिन्थि बादियै, जुदि सॉथि.9a एबा सॉथि.11a नि सॉथिनि उल्थायाव मुंख'जानाय मानसिया फोलेरनि मानसनि बिफा-बिमा/बिबौ-बिबै/आजौ-आजौ जायो अब्ला आरज बिलाइनि 'A' बिलाइनि गाहायाव होनाय सॉथि.2a<sup>2a</sup> आव होफानाय फारिलाइनिफ्राय गोरोबनाय सोमोन्दोखौ सायख'नानै सॉथि.9c एबा सॉथि.10c एबा सॉथि.11c नि फिननि थाखाय आरज बिलाइनि थिखानाय जायगायाव बै सोमोन्दोखौ सोदोबजॉ आरो सोमोन्दोनि उल्थायाव होनाय कडजॉ मुंख'नो नांगोन। जुदि सॉथि.9a एबा सॉथि.10a एबा सॉथि.11a नि फिननि जायगायाव होनाय मानसिया, मानसिया गावनो जायो अब्ला, बै मानसिया "मानसिंजॉ थानाय सोमोन्दो" बिमुनि सॉथिनि फिनन सोदोबजॉ 'गावनो' आरो कडजॉ '1' होननानै लिरगोन। बिबौ/बिबैजॉ थानाय सोमोन्दोनि फारि दं होननानै दाबि खालामोब्ला रोखोमनै बिलाइ जमा होनो नांगोन। बिदिन्थि बादियै, जुदि 'X' मुंनि आरज बिलाइ गथायग्राया बिबौ 'Z' जॉं सोमोन्दोनि फारि दाबि खालामो, अब्ला 'X' आरज बिलाइ गथायग्राया सेथि रोखोमनि बिलाइजॉ गावनि बिफा 'Y' जॉं थानाय सोमोन्दोखौ फोरमान खालामनो नांगोन। नैथि रोखोम बिलाइनि गेजेरजॉ फोरमान जानो नांगोन दि 'Z' आ 'Y' नि बिफा आरो बेनिखायनो 'X' नि बिबौ।

**सॉथि.9d,** **सॉथि.10d** आरो **सॉथि.11d -**सोमोन्दोनि फोरमान महरै 'B' फारिलाइयाव सोफानाय गोरोबथाव बिलाइनि फारि नम्बर: सॉथि.9c एबा सॉथि.10c एबा सॉथि.11c आव फोसावनाय सोमोन्दोनि फोरमाननि थाखाय जमा होनाय बिलाइफोरनि सोमोन्दै बेयाव

मुंख'नो नांगोन। सोमोन्दोनि फोरमान महरै गनायथिजानाय बिलाइनि आबुं फारिलाइखौ गंसे आरज बिलाइनि 'C' बिलाइनि गाहायाव 'B' फारिलाइ हिसाबै होनाय जादौं, जायनिफ्राय जायखिजाया रोखोमसे बिलाइखौ सायख'ना दिहननो हागोन। 'B' फारिलाइया फोरमायथिना होनायल। (1) नखरनि मानसिनि मुं आरो (2) बिनि बिफा/बिमा एबा आजौ-आजैजॉ लोगोसे रोखायै फारि फसंनो थाखाय होखानाय बादियै जायखिजाया बिलाइ जमा होनो हागोन। बिलाइखौ दिहनना होनाय बिफानारिजॉ थानाय गाहाइ बिलाइजॉ लोगोसे बै रोखोम बिलाइफोरखौ गोरोबहोना नायनानै आनजाद खालामनो हानाय जानो नांगोन। बै रोखोमनि बिलाइया जायखिजाया अक्त'वाव होनाय जानो हायो आरो होनाय बै अक्त'वा 1971 मायथाइनि 24 मार्च (हरगेजेर) जॉं जेबो सोमोन्दो गैया। हाबा जानाय आइजोनि बिथिडाव सॉथि.9a एबा सॉथि.10a एबा सॉथि.11a नि फिनाव मुंख'नाय मानसिंजॉ सोमोन्दो थानाय गुबुन गुबुन बिलाइनि मददजॉ फोरमान जायोब्ला चार्कल / अफिसार गामि पञ्चायतनि नेहाथरिया होनाय फोरमान बिलाइखौ होफानाया गोनांथार नडा। मुंख'जाथाव दि आरज बिलाइजॉ लोगोसे बिलाइफोरनि फट' कपिसो होफानो नांगोन। गुबै बिलाइफोरखौ जायगायाव थाना फोरमान नायहैनाय समाव बिफानारिनो दिन्थिनो नांगोन। जमा होनाय बिलाइफोरा गाव -सही खालामनाय जानांगोन।

### बिलाइ-D आबुं खालामनायनि गोरलै राहा:-

आरज बिलाइयाव आरज बिलाइ गथायग्रानि फारि नम्बर: गाहायै नखरनि बिगोमाया फोथायथिनि समखिरा बिलाइयाव सही होगोन आरो बेफोर बादियाव आरज बिलाइनि 'D' बिलाइनि 'आरज बिलाइ आबुं खालामनायनि थाखाय बिथोन' खर'सा मुंनि गाहायाव थानाय बाकसुनि "आरज बिलाइयाव मुंख'नाय बादियै आरज बिलाइ गथायग्रानि फारि नम्बर" नखराव '1' लिरनांगोन। एंगरहायै जाहोननि थाखायल' नखरनि बिगोमानि अनगायै गुबुन सासे मानसिया नखरनि जानानै आरज बिलाइखौ गथायनो हागोन आरो बेफोर बादियाव फोथायथिनि समखिरा बिलाइयाव बै मानसिया सही होनो हागोन आरो बाकसुनि होखानाय जायगायाव बै मानसिनि मानसि फारि नम्बररखौ लिरगोन।

उफ्रा आरज बिलाइयाव नखरनि खारिथि थिसननायनि खामानिया सोलिगासिनो थायोब्ला 'C' लिरनांगोन:

बिलाइ-A आव सिगाडाव मुंख'बोखानाय बादियै जुदि नखराव सा 6 (द) नियुइ बांसिन मानसि दं, अब्ला, बेफोर बादि नखरनि थाखाय उफ्रा आरज बिलाइ बाहायनो नांगोन। बेफोर बादियाव उफ्रा आरज बिलाइ गथायनायनि थाखाय 'D' बिलाइनि बाकसुनि होखानाय जायगायाव 'C' होननानै लिरनांगोन।

गासे आरज बिलाइनि अनजिमा: बै जायगायाव गंसे नखरा बाहायनाय आरो जमा होनाय गासे आरज बिलाइनि अनजिमाखौ मुंख'नो नांगोन। बिदिन्थि बादियै, सा 10 (जि) सोद्रोमा थानाय नखरनि थाखाय गं 2 (नै) आरज बिलाइनि गोनांथि जागोन। बेनि थाखाय होखानाय जायगायाव 2 अनजिमाखौ मुंख'नो नांगोन।

"(मावख'वाव बाहायनायनि थाखायल')" होननानै दिन्थिखानाय बाकसुनि सिंनि खारिथिखौ NRC बिफानारिया आबुं खालामगोन, आरज बिलाइ गथायग्राया आबुं खालामनो नडा।

होफानो गोनां बिलाइफोरखौ आरज बिलाइजॉ लोगोसे गोरा 'टेग' जॉं मोजाडै खाथाबनो थाखाय आरज बिलाइनि गोजौथारनि आगसि खनायाव हा गाव होनाय थानाय जायगाखौ बाहाय।

**आरज बिलाइ आबुं खालामनो थाखाय बांद्राय मददनि गोनांथि जायोब्ला नॉथांमोननि गनायथिजाखानाय एन.आर.चि. (NSK)**  
**खामानि खुलिसिम थां नडाब्ला जॉनि बेसेन होनाडै हेल्प लाइन नम्बर 15107 नम्बरसिम फन खालाम।**